



Indgået

19 FEB. 2018

Uunga  
Inatsisartunut ilaasortaq  
Randi Vestergaard Evaldsen  
Demokraatit

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Meeqqanut sumiginnakkanut tunngatillugu § 37 naapertorlugu apeqqutinut nr.  
2018-041-mut akissutit**

13-02-2018  
Suliap nr.: 2018 - 3431  
Akt. id. 7286717

Asasara Randi

Meeqqanut sumiginnakkanut tunngatillugu apeqqutigisannut qujanaq.

Postboks 260  
3900 Nuuk

Akissutigisakka tullinnguuttuni takuneqarsinnaapput.

Oqarasuaat (+299) 34 50 00  
Naqitanik nassitsigasuaat +299  
34 66 66

Aallaaqqaasiutigalugu ilisimatitsissutigissavara oqaaseq sumiginnaaneq Naalakkersui-  
sunit aalajangersimasumik isumaqartillugu atorneqarneq ajormat. Oqaaseq sumiginnaa-  
neq assigiinngitsorpasuarunik isumaqartinneqarluni atorneqarsinnaasarpoq.

Mail: iniian@nanoq.gl  
www.naalakkersuisut.gl

**1. Nunatsinni meeqqat qassit sumiginnagaasutut taaneqarsinnaappat?**

Nunatsinni meeqqat sumiginnakkat amerlassusaat Naalakkersuisunit aalajangersi-  
masumik kisitsisaatigineqanngillat. Meeqqat sumiginnakkat amerlassusaat / mee-  
qqat angerlarsimaffimmini immikkut atugassaqartinneqarlutik peroriartorsimasut  
amerlassusaat misissuinerit ingerlaavartut aqqutigalugit paasinarneqartarput, tassu-  
nga tunngatillugu misissuisimanerit makku assersuutaasinnaapput Kalaallit Nunaani  
Meeqqat – Meeqqat 0-14 ukiullit taakkulu ilaqaataasa atugaasa misissuiffigineqarneri  
aammalu Kalaallit Nunaanni innuttasut misissuiffigineqarneri 2014 - Inuunermi atu-  
gassarititat, Inooriaatsit Peqqissuserlu.

Tamatuma saniatigut meeqqanut tunngatillugu suliat amerlassusaat kommuninit  
nalunaarsorneqartarput. Meeqqanut inuusuttunullu tunngasumi suliat qassiusarneri-  
nik nalunaarusiaq Inatsisartunut ilaasortanut 2017-imi januaarimi agguanneqartaq  
naapertorlugu meeqqanut inuusuttunullu tunngasuni kommunini suliat tamakkerlutik  
4.634-usut naatsorsorneqarsimavoq.

**2. Meeraq sumiginnagaanersoq ullutsinni qanoq nalilerneqartarpa?**

Oqaatsimut sumiginnaanermut tunngatillugu siuliani oqaatsigineqartut innersuussu-  
tigineqarput.

Sumiginnaasoqarsimanera ilaatigut meeqqat piginnaatitaaffii Naalagaaffiit Peqatigiit  
meeqqat pillugit isumaqatigiissutaanni allaaserineqarsimasut Kalaallit Nunaatalu  
1993-imi akuerisai aallaavigalugit nalilerneqarsinnaasarpoq.

Meeqqat tapersorneqarnissaannut Inatsisartut inatsisaat ilaatigut Naalagaaffiit Peqatigiit Meeqqat pillugit Isumaqatigiissutaat aallaavigalugu suliarineqarsimavoq. Meeqqat tapersorneqarnissaannut inatsimmi angajoqqaat akisussaanagerat pillugu immikkoortumi allassimavoq kommunalbestyrelse meeqqap akisussaaffigineqarnera pillugu oqaloqatiginissaanut aggersarsinnaasoq, meeqqap ineriartornera inuuneraluunniit ulorianartorsiortinneqalersimappat aammalu paasissutissat makku pigineqalersillugit:

1. meeraq atuangitsuukulappat imaluunniit atuartussaanagermut pisussaaffeqarneq naammassineqarsimanngippat,
2. meeraq arlaannik sakkortuumilluunniit pinerluttuliorsimappat,
3. meeraq pissusilersornermigut annertuumik ajornartorsiuteqarpat imaluunniit sungiussiniarnermini ajornartorsiuteqarpat, imaluunniit
4. angajoqqaatut oqartussaassusillip meeqqap ajornartorsiutaasa qaangernarinnissaannut kommunalbestyrelsimik suleqateqarumangippat.

Angajoqqaat akisussaanagerat pillugit immikkoortumi ilanngullugu allassimavoq angajoqqaat akisussaanagerat pillugu oqaloqatigiinnerup kingunerissavaa, angajoqqaatut oqartussaassusilimmut meeqqap ajornartorsiutaasa qaangerneqarnissaannut iluaqutaasussatut naleqquttunik aammalu siunertamut naammaginatuumik naleqquttunik ersarissuumik ataatsimik arlalinnilluunniit pisussaaffiliineq.

Meeqqat tapersorneqarnissaannut inatsimmi ilanngullugu allassimavoq kommunalbestyrelse nalunaarummik tigusaqaruni isumaginninnermi misissuineq ikiugallarnerlu ingerlaannartuumik aallartinneqassasut, taamaattoq kingusinnerpaamik akunerit 24-t iluanni, nalunaaruteqarnerup kommunalbestyrelsi makkuninnga pasitsaasarsimattillugu:

1. paarsinerluttoqarsimaneranik,
2. meeqqamik imaluunniit illoqatigiinni inoqutigiit allat akornani nakuusertoqarsimaneranik imaluunniit siorasaarisooqarsimaneranik, imaluunniit
3. meeqqamik kinguaassiutitigut atornerluisooqarsimaneranik.

**3. Naalackersuisut qinnuigineqarput paasiuminartuumik saqqummeeqqullugit takuneqarsinnaanngorlugu suliat meeqqanut sumiginnagaasunut tunngasut najukkani qanoq agguataarneqarnerisut, najukkani, kommunini, kiisalu anaanaasup aamma ataataasup kiisalu pingaarnertut pilersuisup isertitai naapertorlugit.**

Naalackersuisut paasissutissanik taamaattunik pissarsisinnaanngillat inunnut atasiakkaanut paasissutissat kommuninit katersorneqartarmata.

Saqqummersitat makku aqutugalugit naatsorsuisimanerit innersuussutigineqarput:

- Meeqqanut inuusuttunullu tunngatillugu suliasat suliarineqartartut amerlassusaat pillugit nalunaarussiaq januar 2017
- Ilaqutariinnik sullissinnermut tunngatillugu kommunini suliat suliarineqartarnerat pillugu misissueqqissaarneq – Isumaginninnermut, Ilaqutariinnut, Naligiissitaanermut Inatsisinillu Atuutsitsinnermut Naalackersuisooqarfik sinnerlugu Deloitte-mit januar 2017-imi suliarineqarsimasooq



- Kalaallit Nunaanni Meeqqat – meeqqat 0-14-inik ukiullit ilaqutariillu atugaris-saarnernannik nalunaarsuineq
- Kalaallit Nunaanni Inuusuttut– Kinguaasiutitigut atornerluisarneq ukkata-ralugu
- Kalaallit Nunaanni Innuttaasut Misissuiffigineqarneri 2014 – Inuuniarnermi atugassarititat, Inooriaatsit Peqqissuserlu.

#### **4. Meeqqat sumiginnagaasutut misigisimasut sumut saaffiginnissinnaappat?**

Meeqqat inunnut isumassuisuminnut, inunnut ulluinnarni inooqatigisaminnut inun-nulluunniit attuumassuteqarfigisaminnut saaffiginnittarsinnaapput. Tamatuma ki-ngorna innuttaasut isumassuisulluunniit meeqqanik ataasiakkaannit saaffigineqartut meeqqat tapersersorneqarnissaannut inatsit naapertorlugu pisussaapput ilisimasa-qalerunik meeqqap ingerlalluannginneranik, peqqissusianik ineriartorneranilluunniit navianartorsiortitsisumik meeqqap inuunermi atugaqarneranik kommunalbestyrelsimut nalunaaruteqarnissamik pisussaaffeqarput.

Tamatuma saniatigut meeqqat kommunit ammanerisa nalaanni imaluunniit kommunip matoqqanerisa nalaanni isumaginnermut pigaartuusartumut saaffiginnittarsinnaapput.

Kiisalu meeqqat MIO'p SMS-siunnersuisarfianut 1899 imalluunniit Meeqqat Inuusuttullu telefoniannut 134 saaffiginnittarsinnaapput.

#### **5. Naalackersuisut isumaat naapertorlugu meeqqat sumiginnagaasarnerat sumik pissuteqarpa?**

Suliassaqarfimmut tassunga tunngatillugu atuagassiat saqqummersinneqartarsimasut innersuussutigineqarput soorlu Livsmod – Socialpædagogisk og psykoterapeutisk behandling af børn i Grønland - Conni Gregersenip 2010-mi saqqummersitaa.

#### **6. Ilaqutariit qassit sumiginnagaanermiit kalluarneqaqqappat?**

Apeqqummut 1-imut aamma 3-mut akissutit innersuussutigineqarput.

#### **7. Piffissaq sivikitsoq, piffissaq akunnattumik takissusilik kiisalu piffissaq ungasissoq eqqarsaatigalugit meeqqat sumiginnakkat ikilisarniarlugit Naalackersuisut sunik anguniagaqarpat?**

Naalackersuisooqatigiinnissamik isumaqatigiisummi anguniakkani arlalinni allassimasoqarpoq meeqqat toqqissisimanartumik alliatornissaat pitsaasumillu ineriartornissaat qulakkeerneqassasoq. Taamaasiornikkut meeqqanik sumiginnaasarnerit killilerneqarlutillu ikilisinneqarsinnaassapput.

Inatsisit eqqarsaatigalugit meeqqat tapersersorneqarnissaanut inatsit 26. juni 2017-imi atuutilersinneqarpoq. Inatsit aqqutigalugu meeqqanut taakku ilaqutaanut tapersersuisarnerit inuusuttunullu suliniuteqareernerme malitseqartitsinikkut ikiuinnermut tunngasut aaqqissuunneqaqqippat. Meeqqat ilaqutaasalu

tapersersuisarnerit meeqqat pisariaqartitaat aallaavigalugit peqqissutsikkut nalilersuinernik aallaaveqartinneqartarput taamaasiornikkullu meeqqat assigiimmik pineqarnissaat qulakkeerneqartarluni ima paasillugu meeqqat ataasiakkaat pisariaqartitaat aallaavigalugit ikiorsiissutit pisariaqartinneqartut naleqqussarneqartarput.

Tamatuma saniatigut Naalackersuisut 2017-imi Isumaginninnikkut Aqutsisoqarfimmik pilersitsipput kommuninik isumaginninnikkut suliassat eqqarsaatigalugit ikorfartorniartarlugit ilaatigullu ulloq unnuarlu paaqqinnittarfinnut tunngasut immikkut pitsanngorsaaffiginiaartarlugit.

Tamatuma saniatigut suliniutit nutaat aallartinneqareerlutillu aallartinneqassapput ilaatigut assersuutigalugu kinguaasiutitigut atornerluisarnernut suliniutissat.

**8. Piffissaq qaninnerusoq isigalugu immikkoortumi suliniutit suut nutaat aallartinneqassamaarpat?**

Ilisimatitsissutigineqarsinnaavoq Naalackersuisut suliassaqarfimmut tunngatillugu suliniutissat arlallit sulissutigimmassuk. Taakkua naammassiniariarpata saqqummiunneqarumaarput.

Tamatuma saniatigut apeqqummut 7-imut akissutigineqartut innersuussutigineqarput.

Inussiarnersumik inuulluaqqusillunga

  
Sara Olsvig

Naalackersuisoq